

Itimiqo ghenguno Baibel
kilekithi

Easter
Atughiu



Yekipheu: Edward Hughes

Mijekutsu-u: Janie Forest
Alastair Paterson

Shikithe kutsu-u: Lyn Doerksen

Pekikide kutsu-u: Vikashe Achumi

Mulaphe kutsu-u: Bible for Children
www.M1914.org

©2020 Bible for Children, Inc.

License: Tsala tsaghi kaku hipau kuqu kidi shimokepu shi aye kaku
hipauye oghola launo yephelu eno tsughu phelu nani.



Topumi huno yeye shi
keu laphelo puthugho
ae, eno liye pishi puwo
Pa Nu no kukhu
kimishi shi thiakeu
jupuku juae. Aza
huye Maria ke, eno
liye Jisu khileno
kross lono yeda
keno tipau phivilo
puthugho ae.





Hikuchopu kishieno
shive kya? Jisu kuxu
kivi kishieno kukhu
kimishi kithipu lono
kiske khave kya?
Alhou ye kishi
puzuno Pa Nu
kugha pesuno
kross lono yeda
pithive peni kya?
Jisu ye Pa khiu keno
mutsu mishei ithi kuto
move keo? Alhou
ye tomovekeo?





Moe! Alhou ye tomoveke
kumoke. Jisu ye kiu mu
shipimi moe. Jisu ye
alokuthu lono timi
lhokusami no pa pithi
venani kepi ithi ache.
Jisu no anga kughunu
shiache philono amuchou
Simon no Maria lau amulo
ghime ighinikeu piputo pe
puatsu.




Jisu
pithive
nike zulo,
totimi lakhino
amekusho
tsunguquyi
keu teli pesu ighi
puzuno pa pukhu
shou lepukutsu. "Liye
ghuka khilekhuluyive
ani", ipi akhopemi qono
muchoghi pi. Jisu no pi,
"Liye akumla kivi shi anie". "Liye
iqhonikeu ghenguno kutokupuyive
tsu ani". Kiutoi akumzapu tsa kela!




Tipathiu, akhopemi chighi
kini gholo milakhi Judas
no achinetomi lau Jisu
kughape tsandiyi shighi
lono jechuve.







Judami Hechekulu Ghululo, Jisu
no pakhopemigo sasu aghulhu
shi. Pano Alhou-u akumzapu
thime eno tushokihiqo pa
kimiye chekemi lau piputo tsue.
Tishi puzu Jisu no asho eno
ajukhu ikhilu no panongu sasu
kijeju eno kijesho.



Hipau kiquhiye panongu
pelono alokuthu lono
kumsumape mono Jisu
shi eno paji ye axinemigo
ghenguno axine qhikutsu
saighi tsunie huke ipi ithi
peniye ke.



Tilehi Jisu no Pakusamigo vilo ishipi, 'Nongu kumtsu
iqhiveno pokhave nani'. "Niye khilemu pomoe", ipi
Pitor no tsukhomoe pi. "Awudu no ighami phi kutolo
noye ghuthu kuthu imili venani", ipi Jisu no piputo
tsue.





Tipaji, Jisuye
inikhuniye
Gethsemane Ghutu
lo wuve. Paghola
akhopemi akego
kumtsu zuu khave.
"O Ipuh", Jisu no
inikhu, "... hi ajukhu
Ilauno ikhisuwuve
tsulo. Tishiepimu
igho kumoe, ikemu
ogho shilo".



Paikhavi lono timi aqokithiki lakhi
aghutu lo judas no sasu iloghive. Jisu
ye mujo chilemo, ikemu Pitor no mi
lakhi kini kusa qhivetsu. Jisu no
atsapimo puzu timi kini butsueno
shipivi vetsu. Jisu ye timi
aqo kitikhi no pakughalu
ve akeu hikuchopu
Alhou kupughu
kepi ithi ae.



Timi aqokithiki no Jisu sasu achinetou kilo wuve.
Tilehi, Judami sakhiphemi qono Jisu ye thive masa
pi. Tipa kunulo, Pitor
ye aqemi no ami
shikeu phivilo
ngo no ju aye.




Ghuthu kuthu timi gono thughui Pitor jupuzu no
pi, "Noye Jisu gholo ae". Jisu no piputo puaketo
ghuthu kuthu kutolo
Pitor no milive. Pitor
ye tushoqhi eno
ghushoqhi keu
ghi shi.



KUKU-RALI-KU

Tipa mutsa, awudu no
ighauve. Tipau awudu
ghugha ye Alhou sutsa toi
Pitor no chiluke. Jisu no
pikau tsa kumsuchileluve
puzu Pitor ye shishe
no qah auve.





Judas ghi, ighono amulo save.
Paghi Jisu ye kumu akipimi
eno axine kumla lhokusa shi
pamoe pi ithi ae. Judas no
tsandiyi 30 pechilewu,
ikemu achinetomi qono
lutsu chilemove.





Judas no poisa
ayeghilo peve,
khalau ipeve - eno
palikhi pa kukha
pithive.







Achinetomi qono Jisu
sasus Pilat, Rom mi governor,
zulo saighi. Pilat no pi, "Niye
Timi hipau shou akipimi kumu
phumulae". Ikemu
timi aqokithikhino
alau shi aghaghi pi,
"Pa Yedavelo! Pa
Yedavelo!"



Tileno Pilat no Jisu kross lono
yedavelo pi azah tsuve. Suphahemi
qono au sukumqope Jisu chishi, Pagilo
musupukutsu eno akighi kipili pesuno
he. Panonguno asahukumtsuno
akutsukuqo mulano pakutsu qhotsu.
Tishieno panonguno pa kughapesu
asuu kross lo thive peniye yedave.



Jisu no Paye khikithipu ghola lono thive nani kela
ithiae. Eno axinemi khunoqono Pashou pukhukibe
shini keno axine qhikutsu pakithi vechewono saghi
tsunani kepi ithi ae. Alhokusa
kumlami kini ghi Jisu
phivilo yedave. Mi
lakhi ye Jisu pululuve,
eno Kungughalo ikuve.
Mi lakhiuye ikumulave.



Ayikihe suchedo kushuwo
ime vekethiu, Jisuno pi,
"Hiye shikupuvae", eno
thive. Pakumlaqo
kishekhave.

Akusamiqono
Pa pesuwuno timi
qhomokeu kumo
kilo qhovetsu.



Ike Rom suphahemi
no akumo amichishi
mekhave. Khunomu
tile ilo mula -momu
ipeghi mula.



Tsala tsa kughakiche hilen
kishekhave aghi keaye, kiutoi
amulo kusapu shiniche
kela. Ikemu Alhou no
thime lakhi akumzapu
shitsue. Jisuye
thive keu shi
ngomoe!



Sabat tsala thiu tughakhani
inaqhe vughai ipechekelo, Jisu
khopemi khami no akumo
tu lapha tukuluve aghi
keu ithulue. Panongu
no kughou akumo
sholokuu jusu
keno, Jisu ye
tile aghi move.




Ikemu topumi lakhi ye, akumoki
khalacheu ngono qa-ae. Jisu
no li lau ipegghi! Lino alokivishi
akhopemi kutami qo lau
kutughu niye mighisu
wove.



"JESUS YE XU ANI!
JISU YE AKITHI
LONO IDEIGHIVAE".





Paikhavi lono Jisuno Pa khopemi golau
ipeghive, eno koyal no pau yepili tsu keu
panongu piye. Tiye kuchouke. JISU YE
XUCHILE ITHUGH I VAE! Pano Pitor no pa
mili vekeu kipimi qhivetsue, eno
Pakhopemi qo vilo Paghili pesuno timi kumtsu
lau pikhulha tsulo pi. Eno tishi puzuno Paye
kungughalo ikuve. Tiye Khristmas atughiu
ikhiluniye ighikeu lalono ikuve ke!



Easter Atughiu

Alhou launo ighi keu kughakiche Tsah, Baibel

hile no phulu nani

Mathi 26-28, Luk 22-24, Johan 13-21

"Otsah/Okukutsu tsah iloghi keu lono akuvu
tsu cheni." Leshele 119:130



Ashekha shiva



Baibel lo kughakuche veche wono akumzapu Lhou ni pulho sutsu
keu ghili ithulu ani eno opelono ghi pa ithi penishi ani.

Alhouye ninguno akumla lhokusa shikeu kuchopu ithi ani, eno
pano tipaqo pesu axine ipi kuchen. Axine jume ye akithi, ikemu
Alhouno ayeghilomi kimiyekutuke ghenguno Pa Nu lakhi likhi
akeu, Jisu, pesu nixine ghenguno Kross lono aghashi thive pe.
Eno Jisu ye xu ithuve no Kungughalo pakilo uve. Nono Jisu pulu
eno pavilo oxinego qhivetsulo ipi khu aye, Pano shitsu nani. Pano
itehi ighino ogholo xu uve nani, eno noye lhokuta kuxu Pagholo
xu auve nani.

Nono hipauye kuchou ke ipi pulu aye, Alhou vilo ishi pilo:
Ampeu Jisu, noye Alhou kepi ino pulu ani, eno Nono timi phimpi
xhapu susu ixine ghenguno thive, eno Noye itehiye xuchilethuva.
Ilolo ighilo eno ixinego qhivetsulo, tishianguno niye itehi akuxu
kithe ithulu nani, eno ghulo lakhi niye Kungughalo ogholo lhokuta
kuxu xu auve nani.

Baibel philo eno pulhapuju Alhou sasu kuputsa lo. John 3:16

